



Կապանում մեծ շուքով նշվեց համայնքի 86-րդ տարեդարձը.
Ավանդույթի համաձայն օգոստոսի երրորդ շաբաթ օրը նշվում է Կապանի տոնը

» 04



Քաջարանը 66 տարեկան է.
քաղաքում ժամանցի և հանգստի վայրերն ավելացան ևս երեքով

» 08



ԶՊՄԿ-ի խոշոր բնապահպանական նախագծերից մեկը. ջրային թնդանոթները կանխում են փոշու հոսքը հանքավայրից դուրս

» 12

ԸՆԴԵՐՔԻՑ ԲԱՐՁՈՒՆՔՆԵՐ

ԼՈՒՅՍ Է ՏԵՆՆՈՒՄ 2015 ԹՎԱԿԱՆԻՑ
Հասցե՝ ՀՀ Սյունիքի մարզ, ք. Քաջարան,
Լեռնագործների 18
press@zcmc.am



№46 • 2024Թ.



Ողջո՛ւյն
սեպտեմբեր

Ողջո՛ւյն սեպտեմբեր

Հարգելի ուսուցիչներ,
դասախոսներ և ծնողներ,
Սիրելի աշակերտներ և ուսանողներ

Շ

նորհավորում ենք Ձեզ
Գիտելիքի և դարձության օրվա
կապակցությամբ: 20-րդ դարի
ամենահարուստ և հայտնի գոր-
ծարարներից մեկն ասել է «Եթե
փողը է անկախության քո միակ հույսը, դու
այն երբեք չես ստանա: Այս աշխարհում
միակ իրական պաշտպանությունը, որը
մարդը կարող է ունենալ դա գիտելիքների,
փորձի և կարողությունների պաշարն է»:
Գիտելիքն է նոր նպատակների և նոր գա-
ղափարների արդյունավետ իրականացման
սկիզբը, ու կրթությունն է ձեր բարեկեցիկ
ապագայի հենասյունը: Այս բազում մարտա-
հրավերների ժամանակաշրջանում մենք
պետք է ապավինենք գիտելիքի և կրթության
հզորությանը՝ որպես վերջնականապես
ունենալով բարեկեցիկ և ամուր տնտեսա-
կան հիմքերով պետության կայացումը:
Հենց վերոնշյալ նպատակներին հաս-
նելու համար մեր ընկերությունը մեծ
աջակցություն և հոգածություն է ցուցա-
բերում կրթական բնագավառին (կրթա-
կան հաստատությունների ենթակառուց-
վածքների բարելավում, ուսման վարձերի
փոխհատուցում և այլն) և 2023թ. ընթացքում
ԶՊՄԿ-ն կրթական ծրագրերի համար
հատկացրել է 759 մլն 265 հազար 33 դրամ:

Այս թվային դարաշրջանում ամուր
գիտելիքները Ձեզ կօգնեն ճկուն լինել
ամեն օր փոփոխվող աշխարհում:
Դուք սովորում եք ոչ թե գնահատա-
կանների, դիպլոմների գույների
կամ մեդալների համար, այլ
Ձեր և Ձեր մտերիների բա-
րեկեցիկ ապագայի համար:
Բարի ընթացք, նոր ուսում-
նական տարում:





Մեծ շուքով նշվեց Կապանի 86-րդ տարեդարձը

Ավանդույթի համաձայն օգոստոսի երրորդ շաբաթ օրը նշվում է Հայաստանի հարավային մայրաքաղաք Կապանի տոնը:

Այն, որ այս տարածաշրջանում քաղաքակրթություն գոյություն է ունեցել դեռևս 5-րդ դարում, վկայում է պատմիչ Ստեփանոս Օրբելյանը: Դարերի պատմություն ունեցող Կապանը, սակայն, շրջանային ենթակայության քաղաքի կարգավիճակ է ստացել 1938 թվականին, հետևաբար այս տարի տոնում ենք քաղաքի կոչում ստանալու 86-ամյակը: Մարզկենտրոնի տարբեր անկյուններում օգոստոսի 17-ի վաղ առավոտից մեկնարկեցին տոնական միջոցառումները:

Համայնքապետ Գևորգ Փարսյանը, ԻԻՀ Սպահան քաղաքի պատվիրակությունը և Կապան ժամանած մյուս հյուրերը նախ ծաղիկներ խոնարհեցին Սյունիքի՝ 1918-1920թթ. ազատամարտի զորահրամանատար Պողոս Տեր-Դավթյանի հուշարձանին, այնուհետև Բաղաբուրջի հուշահամալիրում Արցախյան պատերազմներում նահատակված հերոսների շիրիմներին:

«Կապանը՝ Սյունիքի թագավորության մայրաքաղաք» կարգախոսով՝ մշակույթի կենտրոնի մեծ դահլիճում տեղի ունեցավ հանդիսավոր նիստը: Հարուստ պատմություն ունեցող քաղաքի տարեդարձին ներկա էին ԱԺ պատգամավորներ, ՀՀԿ-ի և այլ ձեռնարկությունների ղեկավարներ, մարզի համայնքապետեր, հյուպատոսությունների ներկայացուցիչներ: Գևորգ Փարսյանն իր շնորհավո-



Գևորգ Փարսյանը շնորհավորական խոսքում անդրադարձավ ինչպես Կապանի պատմության, այնպես էլ մերօրյա քաղաքի զարգացմանը:

րական խոսքում անդրադարձավ ինչպես Կապանի պատմության, այնպես էլ մերօրյա քաղաքի զարգացմանը: «Ուզում եմ մի փոքր անդրադառնալ նաև այժմյան Կապանին, որտեղ իրագործված բոլոր ծրագրերն ու կատարված աշխատանքները նպատակաուղղված են եղել համայնքի հա-

Կապանի համայնքի բարձրագույն՝ «Կապան» մեդալով պարգևատրվեց գիտնական, վաստակաշատ մանկավարժ Սեյրան Բալասանյանը:





մաշափ զարգացման ապահովմանը, բնակիչների կյանքի ու գործունեության համար առավել հարմարավետ միջավայրի ձևավորմանը: Այս տարիների ընթացքում առաջնորդվել ենք համայնքի պարտադիր և առաջնահերթ խնդիրների լուծման սկզբունքով և մեր ամենօրյա ուշադրության կենտրոնում ենք պահել քաղաքաշինության, կրթության, մշակույթի, սպորտի, գյուղատնտեսության, սոցիալ-տնտեսական և այլ ոլորտներում բարեփոխումները: Ծառունակել ենք աշխատել, կառուցել, ավարտել կիսատը, սկիզբ դրել նոր ձեռնարկների և գաղափարների և իհարկե, դեռ շարունակելու ենք», – իր ելույթում ասաց Գևորգ Փարսյանը:

Տարբեր ոլորտներում համայնքի զարգացման

գործում իրենց ավանդը ներդրած անձինք արժանացան պատվոգրերի, շնորհակալագրերի և Կենտրոնական բանկի թողարկած հուշագրամների: Համայնքի ղեկավարի որոշմամբ՝ Կապան համայնքի բարձրագույն «Կապան» մեդալով պարգևատրվեց գիտնական, վաստակաշատ մանկավարժ Սեյրան Բալասանյանը:

Օրը հագեցած էր տարաբնույթ միջոցառումներով՝ կրկեսային ծրագիր, Կապանի պատմությունը ներկայացնող նոր ցուցադրություններ: Ինչպես նաև տեղի ունեցավ քաղաքի պատմությունը, ակաճավոր դեմքերին, կարևոր իրադարձությունները մեկտեղող «Սյունյաց երկիր» ամսագրի տոնական համարի շնորհանդեսը: Շնորհաշատ կապանցիները նաև ցուցահանդես-վաճառքի մասնակցելու հնարավորություն էին ստացել, որի շնորհիվ ևս մեկ անգամ հանրությանը ներկայացվեց տեղական արտադրանքը:

Օրը նշանավորվեց նաև մարզական մի շարք միջոցառումներով, մեկնարկը տրվեց հեծանվավազքով՝ 4կմ մրցատարածությունը հաղթահարած մասնակիցները պարգևատրվեցին: ➤

Տոնական միջոցառումների վերջին ակորդը Հայաստանի պետական սիմֆոնիկ նվագախմբի տպավորիչ համերգն էր:

Կապան քաղաքին նվիրված տոնական օրը նշանավորվել է նոր ստեղծված՝ «Կապանի բռնցքամարտի մասնագիտացված դպրոց» ՀՈԱԿ-ի բացման հանդիսավոր արարողությամբ:



Տեղի ունեցավ «Սյունյաց երկիր» ամսագրի շնորհանդեսը, որը լույս էր ընծայվել հատուկ տոնի առթիվ:



«Կապանը հերթական տարեդարձը դիմավորեց զգալի ձեռքբերումներով, խոստումնալից սպասելիքներով, գոյնեղ, հարմարավետ, տարեցտարի գեղեցկացող միջավայրով. փաստում են ոչ միայն քաղաքացիները, այլև այցելուները:

«Ձանգեզուր աշխարհի անկրկնելի քաղաքներից է Կապանը: Ուրախ եմ, որ քաղաքը տոն ունի և այդ տոնն է, որ ոգեշնչում է Կապանի նոր բնակիչներին, նրանք էլ իրենց արդեն կապանցի են համարում, անձամբ ես այս քաղաքից չեմ, բայց հպարտ եմ, որ ապրում եմ Կապանում», – ասաց Սոնյա Սարգսյանը:

Հարավային մայրաքաղաքում այս տարի հասցրել են վերակառուցել ու նորոգել ճանապարհներ, ջրագծեր, տանիքներ ու բակեր, խաղահրապարակներ ու մարզադաշտեր: Կարևորելով առողջ ապրելակերպն ու մարզական կյանքի աշխուժացումը համայնքում՝ Կապանի սրտում առաջին անգամ բացվեց բռնցքամարտի մասնագիտացված դպրոց:

Ամբողջովին նոր հիմնված կառույցը հագեցած է անհրաժեշտ մարզագույքով, տեղադրվել է պրոֆեսիոնալ միակ, ինչպես նաև ստեղծվել են հարմարավետ պայմաններ, որտեղ մարզումներն արդյունավետ անցկացնելու հնարավորություն կունենան 8-18 տարեկան աղջիկներն ու տղաները՝ բացառապես անվճար հիմունքներով:

«Մոտ 100 երեխա կարող է այստեղ մարզվել: Հուսով եմ, որ մասնագիտացված դպրոցի բացումը հիմք կլինի, որ մի քանի տարի հետո ունենանք հայտնի մարզիկներ՝ դրա համար բոլոր պայմանները ստեղծված են», – նշեց կառույցի տնօրեն Աշոտ Սաղոյանը:





Բռնցքամարտի Նոր դպրոց ունենալու Նախաձեռնությունը համայնքի ղեկավարին է, որը կյանքի է կոչվել համայնքի բյուջեի միջոցներով, իսկ մարզագույքի ձեռքբերման և շենքի կահավորման հարցում Նշանակալի Ներդրում է ունեցել ԶՊՄԿ-ն: Մարզաձևի գործող խմբակներ կան, բայց մաս-

Նագիտացված դպրոց մարզում առաջին անգամ է բացվում: Ալեքս Սիմոնյանը ուրախ է, որ իր քաղաքում Նման դպրոց է բացվել. «4 տարի է զբաղվում եմ բռնցքամարտով, սիրում եմ այս սպորտաձևը: Վստահ եմ՝ այստեղ պարապելով ավելի մեծ բարձունքների կհասնեմ»:

Չնայած համայնքի օրեցօր զարգացումն ակնհայտ է, բայց, միևնույն ժամանակ, դեռ շատ անելիքներ կան: Անկախ դժվարություններից՝ համայնքապետը մի երազանք ունի. «Իմ ցանկությունը մեկն է՝ կապանցիին Կապանում ապրի լիարժեք, երջանիկ և ուրախ կյանքով: Դրա համար մենք փորձում ենք ստեղծել բոլոր պայմանները: Մեր Նախագծերի հիմքում ընկած է մեկ Նպատակ՝ այն ինչ արվում է, արվում է հանուն Կապանի զարգացման և կապանցու ընդհանուր բարօրության, քանի որ Կապանը բոլորիս մեծ տունն է»:

Տոնական միջոցառումների վերջին ակորդը Հայաստանի պետական սիմֆոնիկ նվագախմբի տպավորիչ համերգն էր: Կապանցիներին մինչև ուշ երեկո ուրախ տրամադրություն պարգևեցին Նաև մայրաքաղաքից ժամանած արտիստները: Վիճակահանությամբ օրվա հաջողակ մասնակից դարձավ և Թունիս ուղևորության տոմս շահեց կապանցի Էվա Սարգսյանը:

Նարե Խաչատրյան

Հանդիսավոր մասի ավարտից հետո հանդիսատեսը վայելել է Քաղաքի օրվան և «Հանգեզուր» ժողովրդական պարային անսամբլի 5-ամյակին նվիրված գեղեցիկ միջոցառումը:



Օրը Նշանակովրդեց Նաև մարզական մի շարք միջոցառումներով, մեկնարկը տրվեց հեծանվապագով՝ 4կմ մրցատարածությունը հաղթահարած մասնակիցները պարգևատրվեցին:

Քաջարանը 66 տարեկան է

Օգոստոսի 18-ը Քաջարանի 66-րդ տարեդարձի օրն էր: Տոն, որ մեծ շուքով նշեցին խոշորացված համայնքի բոլոր անկյուններում: Միջոցառումների մեկ-նարկից առաջ տանտերերն ու հյուրերը այցելեցին զոհված ազատամարտիկների հուշահամալիր՝ ծաղիկներ խոնարհելու արցախյան բոլոր պատերազմներում նահատակվածների շիրիմներին:

Անցած մեկ տարում լեռնագործների քաղաքում հասցրել են վերակառուցել ու նորոգել ճանապարհներ ու ջրագծեր, տանիքներ ու բակեր, զբոսայգիներ ու մարզադաշտեր: Բաբիկավանի հիմնանորոգված մարզադաշտի բացումը քաղաքի տարեդարձի առթիվ նվերներից առաջինն էր:

Բաբիկավանի բնակիչներն ուրախությունը չէին թաքցնում: Մեծ ու փոքր հավաքվել էին Նաս Տերյան փողոցում: Սյունիքի մարզպետի աշխատակազմն անուրանալի դեր ունի Քաջարանում. այստեղ են տանտիրոջ իրավունքով՝ բացելու նոր մարզադաշտի դռները Սյունյաց մեծ տան հենց այս թաղամասում ապրողների համար:

Տարին հիրավի մարզական է. հաջորդ մարզադաշտը Բակունցի փողոցում շահագործման հանձնվեց, «Աժդանակ» ընկերության ղեկավարը կտրեց խորհրդանշական ժապավենը. նրա հիմնադրած ձեռնարկությունն է կատարել բարեկարգման աշխատանքները:

Մարզադաշտի բացման ժապավենը կտրելուց հետո փոքրիկներին ներս հրավիրեցին համայնքի ղեկավարը, Սյունիքի մարզպետն ու ԶՊՄԿ գլխավոր տնօրենը, քանի որ Քաջարանի բարեկեցության յուրաքանչյուր քայլում մեծ է ձեռնարկության դերն ու ներդրումը:



«Մենք էլ պիտի օլիմպիական չեմպիոն դառնանք». խոստանում են փոքրիկ քաջարանցիներն ու հավաքվում համայնքի ղեկավարից պատվոգրեր ստանալու:

Ինչպես հարիր է յուրաքանչյուր պատվավոր հոբելյարի, աշխատա-



Քաջարանի ժամանցի և հանգստի վայրերն ավելացան ևս երեքով. Քաջարան խոշորացված համայնքի Բաբիկավան թաղամասում, Քաջարան քաղաքի Բակունց և Տերյան փողոցներում բացվեցին խաղահրապարակներ ու պուրակներ:



ԱՐԹՈՒՐ ՆԻԿՈՂՈՍՅԱՆ

«ԶՊՄԿ» ՓԲԸ գլխավոր
տնօրենի տեղակալ

Հարգելի գործընկերներ, քաջարանցիներ և քաջարանաբնակներ
Սրտանց շնորհավորում եմ բոլորիս
Քաջարան քաղաքի 66-ամյակի կա-
պակցությամբ, մաղթում մեր երկրին
խաղաղություն, քաղաքին բարեկեցիկ

ապագա, քաջառողջություն մարդկանց և բա-
րենպաստ պայմաններ՝ աշխատելու, արարելու համար:
Քաջարանն ի սկզբանե եղել է աշխատանքի և արարող
մարդկանց քաղաք, այն ձևավորվել է կոմբինատի շուրջը
և կոմբինատի հետ միասնական կերտել տարեգրություն:
Հարգելի քաջարանցիներ, դուք շարունակում եք
այն ավանդույթները, որ ստեղծել և փոխանցել են
Ձեր նախնիները, ընդգծել, որ Քաջարանի հետա-
գա զարգացումը քաղաքի և կոմբինատի ղեկա-
վարության առաջնահերթություններից է:
Քաղաք-կոմբինատ համագործակցային հարա-
բերությունները գտնվում են բարձր մակարդակի
վրա, կարող ենք հստակորեն արձանագրել, որ
միասնական ջանքերով անում ենք և կանենք
հնարավորը՝ Քաջարանն առավել գրավիչ ու
հաճելի բնակավայր դարձնելու համար:
Եվս մեկ անգամ Շնորհավոր՝ տոնը, Աշխա-
տանքային փառքի քաղաք:

վորների քաղաքն էլ հյուրեր ուներ.
հնագույն հայկական ոստանի քաղա-
քի կարգավիճակ ստանալու 66-րդ
տարեդարձին ներկա էին ԱԺ պատ-
գամավորներ, օտարերկրյա ղեսպա-
նատների ու հյուպատոսարանների
ներկայացուցիչներ, մարզի մյուս հա-



մայնքների ղեկավարներն ու բազում
քաղաքացիներ: Իսկ տանտերերը հա-
վաքվել էին՝ տարվա հաջողություն-
ներն ու ձեռքբերումները քննարկելու,
նաև՝ համայնքի առաջընթացն ապա-
հովողներին պարգևատրելու:
Հյուրերին ողջունեցին համայնքապետ
Մանվել Փարամազյանը, Սյունիքի
մարզպետ Ռոբերտ Ղուկասյանը:
Շնորհավորական խոսքով հանդես
եկավ նաև ԶՊՄԿ գլխավոր տնօրեն
Ռոման Խուդոլին:

– Շնորհավորում եմ իմ և 4500 հոգա-
նոց աշխատանքային կոլեկտիվի՝
Չանգեզուրի պղնձամոլիբդենային
կոմբինատի անունից: Այստեղ մի փոք-
րիկ կրկնաբանություն կա՝ Քաջարա-
նի բնակիչները մեծամասամբ կոմ-
բինատի աշխատակիցներ են, իսկ
կոմբինատի աշխատակիցները մեծա-
մասամբ քաջարանի բնակիչներ են,
փաստորեն քաջարանցիներն են շնոր-
հավորում իրենք իրենց: Ինձ համար
շատ հաճելի է արձանագրել, որ Քա-
ջարանի ձեռքբերումները կոմբինատի
հաջողություններն են, իսկ կոմբինատի
հաջողությունները Քաջարանի ձեռք-
բերումները: Տարեցտարի կյանքը Քա-
ջարանում բարելավվում է, քաղաքը
դառնում է ավելի ժամանակակից ու
հարմարավետ:

Տոնակատարությունը ողջ օրվա ըն-
թացքում չդադարեց. բնակիչները



որոշել էին՝ երգը, պարն ու ավանդա-
կան ճաշատեսակների բոլոր իրենց
քաղաքից պիտի հեռու տարածվեն
մինչև ուշ գիշեր:

Երեկոյան ու նույնիսկ գիշերը տոնա-
կան տրամադրությունը չմարեց: Քա-
ղաքի կենտրոնական մարզադաշտում
տարվա ամենասպասված միջոցա-
ռումն էր ու ոչ պակաս սպասված մենա-
կատարները, որոնք էլ բեմից մաղթում
էին ընթացքը հավերժ, Քաջարան:

Տիգրանուհի Բաղայան

Հանքագործի և մետալուրգի օրը ամենասիրելի տոնը Քաջարանում

1957 թվականի սեպտեմբերի 28-ին ԽՍՀՄ Գերագույն խորհուրդը ԽՍՀՄ տնտեսության վերականգնման գործում մետալուրգիական արդյունաբերության կարևոր դերն ընդգծելու համար հուլիսի երրորդ կիրակի օրը հռչակել է Մետալուրգի օր:



ՄՔԱՆԱՎՈՐԻՐ
QR կոդը
ԻՄԱՑԻՐ ավելին:



Ավանդույթը շարունակվում է. այս տարի ևս ԶՊՄԿ-ն մեծ հանդիսավորությամբ նշեց հանքագործի և մետալուրգի մասնագիտական տոնը: Հանքային տեխնիկայի բացառիկ ցուցադրություն՝ խաչատրյա-նական հնչյունների ներքո «ԶՊՄԿ հանքաշխարհի լեգենդը» գրքի ռուսերեն տարբերակի շնորհանդես. Մեկ տարի անց, գրքի հայերեն տարբերակի հրատարակումից հետո ուրախ ենք արձանագրել, որ այն մեծ մասսայականություն է վայելել, հետաքրքրել հասարակության ամենատարբեր ներկայացուցիչների՝ գիտնականից մինչև ուսանող: Հանդիսավոր նիստ, գաստրոցուցահանդես և տոնական համերգ: Հատուկ շնորհակալագրերի և դրամական պարգևների արժանացան վերջին տարիներին աշխատանքային ձեռքբերումներ արձանագրած ընկերության 22 աշխատակից:



KOMATSU 830E-5

ԱՎՏՈՒՆՔՆԱԹԱՓ



ՇԱՐԺԻՉԻ ՀՁՈՐՈՒԹՅՈՒՆԸ՝ 2500 ՁԻԱՈՒԺ



ԱՌԱՎԵԼ ԱՐԱԳՈՒԹՅՈՒՆԸ՝ 64 ԿՄ/ժ




ԲԵՌՆԱՏԱՐՈՂՈՒԹՅՈՒՆԸ՝ 231000 ԿԳ



ԹԱՓԵԻ ԾԱՎԱԼԸ՝ 143 Մ³



ՎԱՌԵԼԻԹԻ ԲԱԵԻ ԾԱՎԱԼԸ՝ 4542 Լ



ԶՊՄԿ-ի խոշոր բնապահպանական նախագծերից մեկը.

ջրային թնդանոթները
կանխում են փոշու հոսքը
հանքավայրից դուրս

Արդեն 5-րդ տարին է՝ սեպտեմբերի 7-ը նշվում է որպես «Մաքուր օդի միջազգային օր», որը հաստատվել է ՄԱԿ-ի Գլխավոր վեհաժողովի կողմից 2019թ. դեկտեմբերի 19-ին: ՄԱԿ-ի հիմնական նպատակն է գրավել աշխարհի բոլոր պետությունների ուշադրությունն այդ խնդրին, նպաստել ձեռնարկությունների և տրանսպորտի մթնոլորտում վնասակար արտանետումների կրճատմանը՝ ի շահ մոլորակի օդի մաքրության և մարդկության առողջության:



ՍՔԱՆԱՎՈՐԻՐ
QR կոդը՝
ԻՄԱՏԻՐ
ավելին:

Հայաստանում տարածված կարծրատիպ կա, թե օդի որակը հանքարդյունաբերական քաղաքներում ավելի ցածր է, մինչդեռ թվերը հակառակն են ապացուցում. Օրինակ՝ հանքարդյունաբերական խոշոր կենտրոններում՝ Կապանում և Քաջարանում, օդի որակը համեմատելի է ակտիվ զբոսաշրջությամբ աչքի ընկնող Ծաղկաձորի ու Ջերմուկի հետ և զգալիորեն բարձր է Երևանի, Վանաձորի, Հրազդանի և Արարատի համեմատ: Այս տվյալները փաստում են, որ հաճախ կարծրատիպերը կարող են ստեղծել համոզմունքներ, որոնք շատ հեռու են իրականությունից:



ԶՊՄԿ-ն իր գործունեության հետևանքով բնության վրա ազդեցության մեղման և չեզոքացման ուղղությամբ բազմաթիվ բնապահպանական

ծրագրեր է իրականացնում: Խոշոր նախագծերից մեկը «Փոշու կառավարման» ջրային թնդանոթների համակարգն է, որը կանխում է փոշու հոսքը հանքավայրից դուրս: «Ստացիոնար թնդանոթներից յուրաքանչյուրը կարող է պտտվել իր առանցքի շուրջ մինչև 320 աստիճան՝ ջրով ծածկելով մոտ 2 հա մակերես: Բացահանքում արդեն տեղադրված է



Թնդանոթները տեղադրվում են քամու ուղղության հակառակ, և ուժեղ ճնշման տակ ջրի շիթային հեռահար հոսքի միջոցով՝ ջրի մոլեկուլներից փոշու վրա գոյանում է ամպ, որը թույլ չի տալիս փոշու տարածումը՝ շատ արագ այն նստեցնելով:





չորս թնդանոթ, մինչև տարվա վերջ կտեղադրվեն ևս երեքը, իսկ 2025թ. նախատեսվում է տեղադրել 5-7 հատ նոր ջրային թնդանոթ: Աշխատանքների արդյունքում տարբերություն կզգան թե քաղաքացիները, թե կոմբինատի աշխատակիցները», – շեշտել է ՋՊՄԿ-ի բնապահպանության բաժնի պետի պաշտոնակատար Արծվին Ծատրյանը: Նշենք նաև, որ ջրի շիթային թնդանոթներ կիրառվում են աշխարհի առաջատար հանքարդյունաբերական ընկերություններում:



Մեծարում ենք հայ շինարարին

Հայաստանում ամեն տարի օգոստոսի երկրորդ կիրակին նշվում է Շինարարի տոնը:

Լեգենդն ասում է. Աստված ստեղծեց աշխարհը, հետո իր թույլ տված բոլոր թերությունները սկսեցին շտկել ճարտարապետներն ու շինարարները: Իսկ ով է շինարարը:

կապարտեզների հիմնանորոգումը ու Կապանի գյուղական համայնքներում վերաբնակեցված արցախցիների կացարանների նորոգումը, նրանց ձեռքի գործն է: Մեկ այլ խումբ էլ հիմնանորոգում է Զաջարանի մարզադաշտը, որը շուտով արիեստական խոտածածկով ավարտուն տեսք կստանա՝ դառնալով լավագույն նվերը քաղաքին:

«Շինարարական մոտեցումները զարգանում են ժամանակին համընթաց, նորագույն սարքավորումներ են ի հայտ գալիս, որոնք պարզապես



«ՋՊՄԿ» ՓԲԸ-ի ոչ արտադրական ու արտադրական ծառայությունների շինարարները հաստատում են, որ շինարարը ազնիվ, սրտացավ, ստեղծող ու արարող մարդն է: Մասնագիտական օրվա առթիվ գրուցել ենք «ՋՊՄԿ» ՓԲԸ-ի արտադրական դեպարտամենտի շինարարների հետ: Նրանք են, որ ամենօրյա իրենց աշխատանքով կառուցում են, շենացնում ստեղծածը թողնելով գալիք սերունդներին: Երկու թևից բաղկացած ձեռնարկության շինարարական դեպարտամենտում աշխատում է Ֆիզիկապես ուժեղ ու բազմապրոֆիլ 300 տղամարդ, որոնք օրվա գրեթե բոլոր ժամերին շինարարական աշխատանքներ են կատարում կոմբինատի 35 կմ ձգվող արտադրական տարածքում:

Ոչ արտադրական դեպարտամենտի տղաների աշխատանքները տեսանելի են ամենուր: Կոմբինատի վարչական տարածքից սկսած, մինչև ման-

պետք է ուսումնասիրել, իսկ շինարարի տաղանդն ու հմտությունները բոլոր ժամանակների համար մնում են նույնը՝ նույնքան պահանջ-

ված», – շեշտում է «ՋՊՄԿ» ՓԲԸ ոչ արտադրական շինարարության ծառայության ղեկավար Էրիկ Կարապետյանը:

Ընդհանրապես շինարարական եռուզեռը ասացվելով է անվտանգության ու ապահովության հետ, եթե ինչ-որ բան է կառուցվում կամ նորոգվում, նշանակում է երկիրը դեպի զարգացում է գնում օրվա բարեմաղթանքներին զուգահեռ նշում են շինարարները:

Հերմինե Միքայելյան



ՍՔԱՆԱՎՈՐԻՐ
QR կոդը
ԻՄԱՑԻՐ
ավելին:



Թանկ հիշողություններ. «Կյանքը եռում էր...»

ՀԱՐՑԱԶՐՈՒՅՑ

ԿԱՐԵՆ ՄԿՐՏՅԱՆԻ ՀԵՏ

Ընթերցողին ենթ
ներկայացնում հարցա-
զրույց՝ ՀԿԿ Ղափանի
շրջկոմի նախկին առաջին
քարտուղար, շրջխորհրդի
գործադիր կոմիտեի նա-
խագահ, ՀԽՍՀ գերագույն
խորհրդի դեպուտատ,
ապա՝ ՀՀ Ազգային ժողովի
պատգամավոր, ԶՊՄԿ
գլխավոր տնօրենի շինա-
րարության գծով տեղա-
կալ Կարեն Մկրտչյանի
հետ, որի կենսագործու-
նությունը տասնամյակներ
շարունակ կապված է
եղել ԶՊՄԿ-ի հետ:

– Պարոն Մկրտչյան, 1980-ականներին դեկավարել եք Ղափանի շրջանը, որը ներառում էր նաև Քաջարան քաղաքը: Ինչպիսի տարիներ էին և ինչպես կգնահատեք այդ տարիների Ձեր գործունեությունը:

– Նախ ասեմ, որ Ղափանի շրջանը հանրապետության ամենամեծ շրջանն էր 49 գյուղով, երկու՝ Ղափան, Քաջարան քաղաքներով:

Այդ տարիներին շեշտադրումը կատարվեց գյուղական բնակավայրերի զարգացման վրա և վիթխարի աշխա-

տանք իրականացվեց: Գյուղերից մեծ էր բնակչության հոսքը քաղաքային բնակավայրեր՝ պայմանավորված հանքարդյունաբերական երկու հսկա ձեռնարկությունների՝ Ղափանի և Քաջարանի կոմբինատների գործունեությամբ:

Այդ նույն ժամանակահատվածում լայնածավալ աշխատանքներ էին իրականացվում Քաջարանի հանքավայրում. ներմուծվում էր նորագույն լեռնահանքային տեխնիկա, ներդրվում ժամանակակից տեխնոլոգիաներ: *Լավ հիշում եմ 8 խորանարդ մետր շերտի տարողությամբ առաջին էքսկավատորի մուտքը, ինչը լուրջ առաջընթաց էր տեխնոլոգիական առումով:*

Հանքաքարի տեղափոխումը սկսվեց իրականացվել հարահոսային մեթոդով, ինչն առավել անվտանգ էր, անհամեմատ քիչ ծախսատար էր, քան ճոպանուղին, որի ապամոնտաժումը ևս լայնածավալ աշխատանք

էր: Բոլորը չթվարկեմ. արտադրական նշանակության այլ լուրջ տեղաշարժեր եղան:

Կյանքը եռում էր և գյուղական բնակավայրերից մարդկանց հրապուրում դեպի քաղաքային միջավայր: Անհապաղ միջոցներ էր պետք ձեռք առնել՝ բարեկարգել գյուղական բնակավայրերը, հնարավորինս վերացնել քաղաքի ու գյուղի միջև եղած տարբերությունը ու կանխել դեպի քաղաք մարդկային հոսքը:

– Պարոն Մկրտչյան, 1980-ականներին լուրջ աշխատանքներ են իրականացվել սահմանամերձ Ներքին Հանդ գյուղի վերաբնակեցման, տների վերանորոգման հետ կապված: Նմանատիպ աշխատանքներ իրականացվել են նաև Շիշկերտում: Մենք վերջերս էինք Շիշկերտում, այնտեղ կանգուն են կառուցված երկհարկանի գեղեցիկ առանձնատները: Այդ ծրագիրը փրկեց նշված գյուղական համայնքները, անհամեմատ նվազեց քաղաք մեկնող գյուղաբնակների թիվը:

– Երբ նշանակվեցի շրջխորհրդի գործադիր կոմիտեի նախագահ, Ներքին Հանդ գյուղում շինարարական աշխատանքները սկսվել և ընդհատվել էին: Աշխատանքների վերսկսումը առաջնահերթություն էր: Հանդիպեցինք գյուղացիների հետ և բացատրեցինք, որ ոչ միայն կառուցվելու են նոր տներ, այլ՝ փոխհատուցվելու են իրենց հին տներին համարժեք գումարները:

Այս մոտեցումը ոգևորեց նրանց, շինարարական աշխատանքները լայն թափ ստացան: Կառուցվեց Ծավ-Շիշկերտ 12 կմ-ոց ասֆալտապատ ճանապարհը, որից հետո՝ շինարարական աշխատանքները մեկնարկեցին Շիշկերտում: 1968 թվականի Քաջարանի երկրաշարժից ավերվել էին նաև այստեղի տները: Կառավարության կազմած հանձնաժողովի օգնությամբ կարողացանք փոխհատուցել նաև այն գյուղացիներին, ում առանձնատները տուժել էին երկրաշարժից և 20 տարի փոխհատուցում չէին ստացել:

– Ղարաբաղյան շարժում, դեկտեմբերյան երկրաշարժ, Արցախյան առաջին պատերազմ, տնտեսական՝ տրանսպորտային, էներգետիկ շրջափակում:



ՍՔԱՆԱՎՈՐԻՐ
QR կոդը՝
ԻՄԱՑԻՐ
ավելին:

1986թ., Կապան այցելած Կարեն Դեմիրճյանին (ՀԿԿ կենտրոնի առաջին քարտուղար) դիմավորեցին շրջխորհրդի գործկոմի նախագահ Կարեն Մկրտչյանն ու ՀԿԿ շրջկոմի երկրորդ քարտուղար Արամայիս Բաբայանը



Բավական բարդ և ճակատագրական ժամանակաշրջան սկսվեց, բնակչության կենսապահովումը ծառացած հիմնահարց էր, ճանապարհները՝ ընդհուպ մինչև Կապան, անվտանգ չէին: Այլընտրանքային՝ Կապան - Առաջաձոր - Աղվանի կյանքի ճանապարհի շինարարությունն եք ղեկավարել, որն անգնահատելի դեր է ունեցել գոյամարտի ժամանակ, Կապանի և Մեղրու շրջանի կենսագործունեության համար ու ստացել «Կյանքի ճանապարհ» յուրօրինակ անվանումը:

– Այն իրոք կյանքի ճանապարհ էր: Մեղրու և Կապանի շրջանի բնակչությունը միայն այդ ճանապարհով էր կապված մայրաքաղաքի և այլ շրջանների հետ:

Գորիս-Կապան ճանապարհն անվտանգ չէր: Օրվա հրամայականն էր նոր ճանապարհ ունենալը: Մարդիկ վտանգված էին, Մեղրին և Կապանը՝ փաստացի մեկուսացված:

Արահետ կար Աղվանի – Տաթև, գրաս-

1978թ., ՀԽՍՀ ԳԱԱ Նախագահ Վիկտոր Զամբարձումյանը Քաջարանի կոմբինատում՝ կուսկոմիտեի քարտուղար Կարեն Մկրտչյանի ուղեկցությամբ



տով, մարդիկ երթևեկում էին: Եվ շուտով սկսվեցին ճանապարհաշինարարական աշխատանքները: Ազարակ- Եղվարդ- Ուժանիս գյուղերի ճանապարհի մի հատված՝ սահմանային իրավիճակի սրման ժամանակ վերահսկվում էր «հարևանների» կողմից: Ստիպված էինք մեկ ամսում Վարդավանքից Ազարակ ճանապարհի կառուցել և ապահովել վերը նշված գյուղերի և խղրանցի կապը Կապանի հետ:

– Կապան - Սոչի չվերթուղու մասին:

– Հայաստանի ավիացիայի վարչության պետը Կապանում էր, ներկայացրեցինք, որ շրջանից մայրաքաղաք հեռավորությունը մեծ է, օդային հաղորդակցության ստեղծման կարիք կա: Նշեմ, որ Կապանի օդանավակայանի շինարարական աշխատանքներն արդեն մեկնարկել էին: Եվ ժամանակագրական առումով այդ իրադարձությունները եղել են,

բնականաբար, Արցախյան առաջին գոյամարտից առաջ:

Կարճ ժամանակ անց ՅՔ-40 ինքնաթիռով կազմակերպվեց Կապան-Սոչի չվերթը: Մարդկանց ակտիվությունն աստիճանաբար աճեց, անգամ 10 օրվա կտրվածքով չվերթները չէին բավականացնում:

– Ինչով է այժմ զբաղվում Կարեն Մկրտչյանը:

– Ապրում եմ, ինչպես սովորաբար ապրում են վաստակած հանգստի անցած մարդիկ: Ապրում եմ հիշողություններով, թոռներով, երբեմն հիշողություններս գրառում: Շատ անհանգիստ եմ երկրի անվտանգության համար: Իրավիճակը լավ եմ պատկերացնում. այն վերապրել եմ շրջանի խորհրդային և կուսակցական ղեկավարի կարգավիճակում: Քաջարանի բնակչության բարեկեցությունն այսօր կոմբինատի շնորհիվ կարող ենք լուծված համարել, բայց անհանգստացնող են երկրի անվտանգությանը վերաբերող հարցերը...

– Շնորհակալ ենք պարոն Մկրտչյանի հետաքրքիր զրույցի համար:

Լիլիթ Իսրայելյան

1987թ., հանրահռչակ կոմպոզիտոր Յան Ֆրենկելը Կապանում



Տոմսերը կարող եք ձեռք բերել «Սյունիք» օդանավակայանից և «Novair»-ի երևանյան գրասենյակից (Սայաթ-Նովա պողոտա 29)

**Հարգելի գործընկեր,
Տեղեկացնում ենք Ձեզ,
որ այսուհետ կանոնավոր
ավիաչվերթը տեղի կունենա
շաբաթական**

3 ԱՆՉԱՍ

ԵՐԿՈՇԱԲԹԻ

ԶՈՐԵՔՇԱԲԹԻ

ՈՒՐԲԱԹ



Տոմսի արժեքը (մեկ ուղղությամբ)

20.000 ՀՀ ԴՐԱՄ

Մանրամասների համար
զանգահարել՝



(060) 40 40 40



Մաղթում ենք անվրանգ թռիչք